



Nuuk 27. februar 2015

Inatsisartut suleriaasianni § 37 naapertorlugu apeqquteqaatit imaattut naalakkersuisunut ingerlatippakka.

- 1. Meeqqat piginnaangorsarneqarnissaat siunertaralugu angallat Tuullik sullissinermi atorsimasoq naalakkersuisunit atorunnaarsinneqarnerata kingorna meeqqat pineqartut pillugit suliaq sumut killippa?**
- 2. Angallat Tuullik pisortanit meeqqanut sullissiviusussat innersuunneqartoq qanoq piumasaqaateqarfigineqarsimava?**
- 3. Meeqqanik sullissisussat inulerinermik ilinniarsimanissaannik piumasaqateqarpa? Taamaangippat sulisut atornerluisuunnginnissaat pinerluuteqarsimasuunnginnissaallu piumasaqaataasimappat?**
- 4. Tuullik meeqqanik piginnaangorsarnissaannik sullissisussatut atorunnaarneqarnissaa naalakkersuisunit aalajangerneqarmat meeqqat eqqornerlunneqarsimasut pisortanit qanoq isumagineqarpat?**
- 5. Namminersorlutik Oqartussat aningaasaleeqataasarsimappat meeqqat sullinneqarnissaat qulakkeerniarlugu? Imaluunniit Kommunit aningaasaleeqataasarsimappat?**
- 6. Meeqqat pineqartut pitsaanngitsumik eqqorneqarsimappata matusinerup kingorna Namminersorlutik Oqartussat imaluunniit kommunit meeqqat pillugit iliuuserisimasaat suuppat?**
- 7. Meeqqat qaammammut aningaasanik pisartagaqartinneqarpat? Taamaassimappat qulakkeerneqarsimava meeqqat aningaasarsiasaminnik tiguisarsimansut?**
- 8. Ukiut ingerlanerini angallat Tuullik meeqqanik qanoq amerlatigisunik pisortaniit suliakkeerneqarsimava?**
- 9. Angallat Tuullik pisortat aqqutigalugit meeqqanut sullissivissatut akuerisaava?**
- 10. Meeqqat pineqartut pisortanit iperaannarneqarsimangippata meeqqat inuunerannik pitsaassutsumik qulakkeerrinninniarnert qanoq qulakkeerneqarsimansut nassuiarsinnaavisiuk?**

(Inatsisartunut ilaasortaq Aqqaluaq B. Egede, Inuit Ataqatigiit)

Tunngavilersuut:

Naalakkersuisunut apeqquteqarninnut tunngavigaara meeqqat sullinneqarnissaannik pisortat innersuussinerimikkut sullissisussanut qulakkeerrinnissimanissaat ilumut pisimanersoq paaserusukkakku. Meeqqat atugaannik siuarsaanissaq pitsanngorsaanissarluk killormut meeqqanut kingunerluutaasimappat pisortat akisussaaffimminnik naammassinnissimanissaat qulakkeerusukkakku.

Apeqqutigisakka naalakkersuisut suliffeqarfiullu pineqartup akornanni tusagassiorfitsigut saqitsaannerit kingorna qulakkeersimangilarput ilumut meeqqat paaqqutarineqartut kingorna aamma pitsaasumik sullinneqarnissaat pisimanersoq. Taamaammata apeqquteqaatigisakka meeqqat qitiutillugit pisortat suliamik ingerlatsisimansut aamma suliamik eqqortumik inaarsisimansut paasiniaanerupput. Kissaatigaaralu ullut qulit qaangiutsinnagit akineqarnissara.

